



Duohta muitalusat girkus



SUOMA 
EV. LUT.
GIRKU



Duohta muitalusat girkus

Duohta muitalusat girkus

Olggosaddi: Girku diedihanguovddáš 2013

Olgohápmi: Tin can Oy, Seija Nikkilä

Prentenviessu: Unigrafia Oy (dat lea ožžon njukčamearkka)

Čuovgagovat:

Aarne Ormio s. 1, 5, 8, 11, 13, 15

Juha Eklund s. 16

KUA/Lauri Soini s. 17

Markku Pihlaja s. 2

Miika Sirkiä s. 19

Tom Norrgrann s. 1, 3, 9

Vesa Ranta s. 7

Vilja Tamminen s. 1, 12

SUOMA 
EV.LUT.
GIRKU

”

Mii leimmet dušše moadde olbmo girkus. Geassesotnabeaivi, luomoáigi. Guhtege čohkkái iežas eallima jurdagiiguin, okto, sierranassii eará olbmuin. Duođalaš, siskkobeallai bodnjájeaddji muođut. Ipmilbálvalus manai dego dat lávejit mannat. Sálmmaid veaisideapmi lei loikkas ja njoahci, das orui leamen muhtunlágán váibbasvuoda jietna.

Proavás goarkŋui sárdnestul-
lui. Aiddo go son lei álgimin,
cizáš idistii gevlliid vuolde.
Dat lei várra láhppon dohko
čuokkodettiin geasselávvarda-
ga girkouvssas náittosbára ala
bálkestuvvon riseniid. Lottáš
seaivvui sárdnestuolu áiddi ala
ja álggii vižardit. Dat vižardii
čuoddjilit oppa sártni áigge
proavása bállddas. Gon sárdni
lei nohkan, dat girddihii sálb-
madávvala lusa ja geahčai doppe
jávohego go mii čiposteimmet
áltárbeavdái.

Go vulggiimet girkus, mojuhalai-
met guhtet guoibmáseamet dego
muhtun deaddu livččii váldon
mis eret. Min siskkobealde
čuojai geahppadit.

Kari, árkabismá, Turku gávpot



Feastabottut muittuhit Ipmila buressivdnádušas


Kristtalaš girku lea álggu rájes leamaš mielde olbmo eallima jorggáldagain. Váhnemat ja risváhnemat bivdet gásttas mánnái Ipmila buressivdnádusa, náittosdili álggahuvvo searvegotti ovddabealde ja go lagamučča eallin nohká de ohccojuvvo jeddehus agálaš eallima lohpadusas.

Ovttas rohkadallan buktá basi deaivadeami oassin feara mak-kár eallima dehálaš bottus. Sáhtta bovdet searvegotti bargi vaikkoba odđa ássanviesu sisafárrenfestii buressivdnidit odđa ruovttu ja dan ássiid. Sáhtta maiddá doallat rohkadallanbottu feastaveaga gaskkas.

Gásta lea kristtalaš eallima vuodđu, lihttu Ipmila ja olbmo gaskkas. Gásttas olbmos šaddá Ipmila mánná. Son searvá searvegotti lahttun ja hukse servvoša, mii čatnasa leat buori bealde. Gásttašuvvon searvegotti lahtut dahket vejolažžan searvegotti árgga smávva muhto dehálaš daguid.

*Evangelalaš-luteralaš girkui gul-
le jagi 2012 loahpas 76,4 % buot
suopmelaččain. Girku gásttašii
golbma máná njealljásis ja viha-
hii juohke nuppi náittosbára.*





*Jesus, ustit mánáža,
geahča muge eallima;
Gosa málmis mun jođán,
dus mun divššu, dorvvu ozan.
Lihkku bohtá, manná fas,
suodjal, Áhčči, Árpmolaš.*

*Sálbma 456 (Sálbmagirji 1993)
suomagiel sánit Lauri Pohjanpää,
sámegillii Pekka Lukkari*

” Lean háliidan ahte mu mánát gásttašuvvojit, daningo ná gullá kristtalaš váhnemiidda dahkat. Gástta skeaŋka gullá maiddái mánáide. Mii leat jierbmás váhnemat, muhto mii dárbašit liikká lpmila veahki ja doarjaga bajásgeassimii. Juohke mánás min bearrašis galgá leat maiddái burmalaš namma. Ná sii sáhttet ollesolmmožin diehtit man kultuvrras ja duogážis sii bohtet.

Nuoramus bártni gásttašeami oktavuodas doalaimet maid eará bearašlahtuid rieġádanbeaidoaluid ja báhppa buressivdnidii rieġádanbeaimánáid. Dat lea Burmas árbevierru – eallinhan lea skeaŋka lpmilis. Mu isit čaimmai ahte ii leatge ovdal doallan rieġádanbeaifeastta ovttas báhpain.

Dat ahte báhppa bohtá min bearašfestii nuvttá lea duodaid stuorra skeaŋka. Mun mávssán áinnas girkolaš veaur!

Zar Zar , Espoo gávpot

Ipmilbálvalus lea boddu guovdu árgga

Ipmil lea mielde juohke bottus, muhto olmmoš dárbbáša erohusa árgga ja basi gaskkas. Hoahpu siste šaddá geahpibun go basi deaivadeami ja jaskkodeami várás gávdno árgga hušas luvvejuvnon áigi ja báiki. Ipmilbálvalus, searvegotti jeavddalmas deaivadeapmi lea girku hámi váimmus. Biibbala teavsttat, oktasaš rohkos ja musihkka ja eahkedačča doallan addet fámu olles vahkkui.

Muhtun olmmoš beassá girku njealljedasdiibmui árgaeahkedis, nubbi atná sotnabeaivvi iđitmeassu dehálaš vierrun, goalmmát olmmoš darvviha girku uvssa gevjii oktii dahje guktii jagis. Searvegottiid fáladagain gávdnojit molssaevttut das beroškeahtá, leago olbmossat beroštupmi jaskesvuodas, ovttaslávluimis dahje vaikkoba metallamusihkas.

Juohke olmmoš guhte váldá saji girkobeajkkas, lea mielde dahkamin servvoša. Ipmilbálvalus addá vejolašvuoda maiddái eará olbmuid bálvaleapmái. Fállun leat ollu barggut, maidda eaktodáhtolaš bargit leat bures boahhtin.

Jagis 2012 evangelalaš-luteralaš girku ipmilbálvalusain ledje gaskamearálaččat 85 oasseváldi. Oktiibuot ledje badjel 6 200 000 galledeami ipmilbálvalusain.

“Dasgo gos guovttis dahje golmmas leat čoaggánan mu nammii, doppe mun lean sin gasku.”

(Matteus 18:20)



” Diibmá deajajuhkanbottus Duomis-meassu manjá mun bivdojuvvojin čoaččit kol-leavtta čuovvuváš meassus. Das dat vulggii johtui! Dál lean mielde mánggalágan doaimmain: lean huksen rohkosáltára, lean sávvan ipmilbálvalusaid gallededjiide bures boahtima, lean bassan eahkedaščerggiid, lean lávlon koaras, lean jodihan rohkosa...

Ovttá Duomis-meassu leat lágiideame 30 – 40 iešguđetlágan ja sierraahkásaš olbmo. Mielde leat dakkáratge, geat muitet mu dan áigges go fitnen meassus iežan váhnemiiguin. Dál lean searvan jovkui iežan persovvna bokte ja lean gávdnan iežan rolla ja lean oahpásmuvvan olbmuide buorebut.

Soaitá ahte fargga fáren studeret Helssegii. Doppe sihkarit ozan alccesan joavkku, mas sáhtán leat mielde olláshuhttimin oktasá ipmilbálvalusa. In jáhke ahte šat lea geaidnu ruovttoluotta dakkár dillái, ahte čohkkán jaskat beaŋkkas meassu áigge.

Girku doarju kultuvrra

Musihkka lea oassi lpmila buressivdnidanbarggus. Girku musihkalaš doaibma gaskkusta evangeliuma ja veahkeha searvegotti lahtuid giitit ja rohkadallat. Ovdamearkka dihte koarain lea vejolašvuohta ovddidit olbmuid musihkalaš attáldagaid ja máhtu.

Musihkka čatná oktii sierraahkásaš ja sierra kultuvrrain boah-tán olbmuid. Musihka vehkiin sáhttá oassálastit, buressivdnidit ja dulkot. Musihkka lea dego ikona, uksa nuppe beallái, láse albmái.

Girku dáiddalaš siskkožat, gálvvut ja govvadáidda leat dehálaš oassi suomelaš kulturárbevierus. Searvegottit seailuhit ja sirdet dán bassi árbbi čuovvovaš sohkaulvii.

Suomas leat sullii 800 girku, main 580 leat suodjaluvvon. Girku lea mángii iežas guovllu divrasamos ja eanemustá ráhkistuvvon viessu. Girkus sáhttá jaskkodit ja rohkadallat ja návddašit jaskesvuodas ja viesu čábbodagas.

Ođđa girkut huksejuvvojit šat unnán. Ođđa girkolaš huksenkultuvrra ovddasta jagi 2012 giđđat válmmaštuvvon Kamppi kapealla. Dat lea suomelaš muoras huksejuvvon jaskkodansadji Helssega narinkkamárkanis. Ekumenalaš kapealla galledeaddji sáhttá juos dan háliida, deaivadit searvegotti ja gávppoga sosiáldoaimma bargiiguin.



Kamppi kapealla lea áibbas guovdu Helssega.

Searvegottiin doibme jagis 2012 1 287 musihkkajoavkku ja dain ledje 16 277 lahtu. Koaraid lohku lei 1 994 ja dain ledje 33 380 lahtu.

Suoma boarrásamos seilon girkut leat Álánda sulluin. Dat leat huksejuvvon ránesgeađggis movremiin 1200- ja 1300-loguin. Ođđa girkuid lohku, mat leat huksejuvvon 2000-logus lea moad-delogi.



*Mii máidnut Hearrá gudni ja
lávlut giitosa,
su buohkaid Sivdnideaddji
min sálbma ráimida.*

*Sálbma 443 (Sálbmagirji 1993)
Suomagiel sánit Aukusti Waldemar Koskimies,
sámegillii Tuomo Itkonen*

” Midjiide mitaluvvui muhtun kurssas Vox Edeni -koara birra. Mu guoibmi dajai, ahte dát orru leamen somá, mannego moai dohko iskat? Dat dovdui duođaid suohtasin, daningo liikon sakka lávlumii. Dan maŋŋá dat leai mu hommá.

Mu mielas leai duođaid somá ahte go álgen, de buohkat ledje rahpasat. Mii máhttit váldit áššiid duođalaččatge, muhto meinnet lea friddja ja buohkat besset álkit mielde.

Henna, Espoo gávpot

Nuorat šaddet oassin searvegottis

Mánáid ja nuoraid bargu lea dat oassi juohke searvegotti árgas, mii oidno. Girku nuoraidbarggu vuolggasadji lea juohke máná ja nuorra olbmo vuoigatvuohta vásihit lihkostuvvama ja fidnet doarjaga iežas bajásgeassimii daid attáldagaid vuodul, maid son lea ožžon buressivdnideamis.


Ii leat dušše okta vuohki šaddat ollesolmmožin. Eai leat gárvves vástádusat, eaige álo gárvves gažaldagatge. Dehálamos lea vejolašvuohta deaivadit ja ságastallat. Čeahpes nuoraidbargiin sáhttá ságastallat juobe váttisnai jearaldagaid birra.

Searvegottiid ja kristtalaš servviid doibmii juohke nuorra olmmoš lea bures bohtin aiddo dakkárin go lea. Sisabeasaniskosat eai leat, giige ii jienastuvvo olggos. Dorvvolaš servvoš lea buoremus dálkkas oktonasvuhtii ja dakkár dovdui, ahte in máhte maidege.

Girku bargá ovttas skuvllaiguin, gielddaiguin ja bearrašiiguin. Árbevirolaš leairraid ja nuoraid eahkediid lassin sii leat mielde sierralágan festiválain ja Facebookis, dahkkojuvvojit teáhterbihtát, divvojuvvojit biillat, huksejuvvo eanet vuoiggalaš máilbmi...

*Girku lágidan joavkkobargguide
oassálaste jagis 2012 badjel 140 000
máná ja nuora. Searvegottit lágidedje
goasii 6 000 máná ja nuora leairra
ja mángalot duhát eará dáhpáhusa.
Rihppaskuvlla vázzet 85,6 %
suopmelaččain.*





“Ale cealkke: Mun lean nuorra! Muhto sin buohkaid lusa, geaid lusa mun vuolggahan du, galggat don mannat ja buot maid mun dutnje gohčun, dan galggat don sárdnut. Ale bala sis, dasgo mun lean duinna gádjun várás, cealká Hearrá.”

(Jeremia 1: 7 – 8)

”

Mánngasis lea áibbas boasttu ipmárdus searvegotti doaimma birra. Gáddojuvvo ahte das olbmot čohkkájit rieggás gíntaliid čuovggas ja rohkadallet. Juos sii diedáshedje ahte dáppe dahkkojuvvo vaikkoba čájálmas abiturienttaid dämpamátkki birra, de jurddašivčče eará láhkai. Eambo dáppe smihttojuvvo eallima birra oppalohkáii go Jesusa birra.

Dás olbmot nagodit dovdat iežaset friddjan ja de eai dárbbas smiehttat leatgo vuovttat ortnegis, leago mus buorre olgohápmi. Ja go dahkkojuvvo drama, de áiggeipmárdus jávká. Mii lea dakkár hárjehus, mas huksejuvvo šaldi guovtti olbmo gaskii ja dan sáhtásii dahkat vaikko man guhká.

Searvegotti joavkkus ii leat muđuige dakkár dilli ahte nubbi olmmoš dovddašiii unohisvuoda nuppi ala. Seamma fatnasis mii buohkat leat ja seamma guvssiin mii goaivut čázi eret.

Maria, Mila, Niklas ja Sere,
Hyvinkää gávpot

Diakonia veahkeha mángga láhkai

Girku diakoniabargu vuodđuduvvá árpmu ja lagamučča ráhkisvuoda ala. Dat guhte dárbbáša veahki, sáhtttá ságastallat diakoniabargiin iežas fuolaid birra luohttámušain dahje oassálastit sierra veardásašjoavkkuid doaimmaide. Searvegottit fálet maiddái konkrehtalaš veahki dego borramušskeanjkaid.

Searvegottiid diakoniabarggu ulbmil lea olbmuid veahkeheapmi, sin návccaid lasiheapmi ja servvošvuoda nanusmahttin. Bargu dahkkojuvvo ovttas gielddaiguin ja servviiguin.

Girku oassálastá servodaga ságastallamii ja lokte bajás váivves áššiid, mat diakoniabarggus leat bohtán ovdan, dego sisabohto- ja dearvvasvuodaerohusaid stuorrun. Jagis 2012 girku cakkai olbmuid eretduvdima earret eará “Gii guldala geafes olbmo” – fierpmádaga ja “Dál lea vuoigŋa alde” –turnea vehkiin.


Diakoniabarggus dárbbášuvvojit maid eaktodáhtolaš bargit. Eaktodáhtolaš bargi sáhtttá álgit oktonas lagamučča ustibin dahje joavkojodiheaddjin, oassálastit lahpismárkanvuovdimii dahje ollašuttit geafes bearraša máná juovlaskeanjkasávaldaga. Mángasat oassálastet Ovttasvástočoaggin dahje skenkejeaddjin. Eaktodáhtolaš bargi sáhtttá čatnasit guhkit áigái dahje sáhtttá leat mielde dušše ovttaskas dáhpáhusas.



Searvegottis oazžu geahpádusa oktonasvuhtii.

*Diakoniabargiin ledje jagis 2012
634 000 oktavuoda sierra olmuide.
Diakoniabargui oassálastet badjel
30 000 eaktodáhtolaš olbmo.
Searvegottit juolludedje ruđalaš veahki
7,4 miljvnna euro ovddas ja juogadedje
badjel 100 000 borramuškássa.*





*Dán váldegottis
Heajut leat nannosat,
Buohcán olmmoš dálkkoda dearvasa,
Dat guhte oažžu,
veahkeha dan guhte addá.*

*Sálbma 428
(suopmelaš sálbmagirjjiis)
Suomagiel sániit Anna-Maija Raittila,
sámegillii*

” Mu eallin rievddai sakka guokte jagi dassái. Gávnnahuvvui, ahte mu nieiddas, Millas, lea monimušboras. Das álggii ovttá jagi bistán lossa divššuid áigodat.

Álggus doibmen Milla oapmahasdikšun, muhto dasto ieš šadden buohcovuođalupmui. In dieđe mo mun golmma máná oktofuolaheaddjin livččen birgen almmá lagamus birrasa ja searvegotti veahki haga. Dia-konissa attii máksočujuhusaid borramuša várás, son guldalii ja ipmirdii.

Mannan juovllaid áigge Milla oaččui searvegotti juovlačoaggima olis skeaŋkka dovdameahttu olbmus. Máilmmis lea buorre vuotta ja olbmot geat háliidit veahkehit. Go Milla oadđá ja njávkkan su ođđasis šaddan vuovttaid, lean lihkolaš das ahte lea doaivva.

Janina, Vantaa gávpot

Bearašrávven doarju bárragaskavuoda

Girku bearašrávven veahkeha ja doarju bárragaskavuoda ja bearraša váttisvuodain ja eallima kriisain. Bearašrávven lea okta dain bivnnuheamos bargohámiin, mat girkus leat šaddan soađi maŋná. Dán áigge bálvalusaid jearru lea stuorát go fállanvejolašvuota.

Vuostáiváldima áigge áššehas sáhtá luohttamušain mitalit daid áššiid birra, mat su váivvidit. Ii gáibiduvvo ahte dat guhte ohcá veahki, lea girku lahttu ja bálvalusat leat nuvtá. Dehálamos bearašrávvenbarggus lea máná beroštupmi dahje ovdu.

Bearašáššiid ráđđádallanguovddážit lágidit bárraterapiia lassin joavkodoaimmaid ja dahket ovttasbarggu eará joavkuiguin, mat dorjot bearrašiid. Árbevirolaš doaibmavugiid lassin ovddiduvvojit jámma ođđa vuogit. Ovdamearkka dihte City.fi –bálvalusa Gaskavuodaklinihkas bearašrávvejeddjit suokkardit lohkkiiid váttisvuodaid.

*Bearašáššiid
ráđđádallanguovddážiid lohku
lei jagis 2012 42 stuhka. Dain
fitne oktiibuot 16 500 áššehasa
ja daid gaskkas ledje 42 %
dievddut.*





*“De dat bissot, dat golmmas: osku,
doaivu ja ráhkisvuhta. Muhto buot
stuorimus dain lea ráhkisvuhta.”*

(1. Kor. 13:13)

” Moai diđiime ahte girkus lea bearašrávven ja gávnnaimet neah-
tas dan čujuhusa. Moai leimme
measta earráneame. Manai okta
vahku ja de bođii diehtu ahte
moai ožžo mannat rávvemis. Dat
manai johtilit dasto munnos lea
máná jietnasana.

Ságastallamat leat rievddan
munno oaidninčuoggá. Letne
ožžon moatti jagi áigelasáhusa
smiehttat ja suokkardit áššiid eará
čiegas go ovdal. Dál goit diehtá
ahte letne dahkan ollu barggu
bárragaskavuoda ovdii. Moai
dihte ahte ii gánnet časkit fáhcaid
bivttasheaggastahkii menddo
johtilit.

Moai dovde ahte letne ožžon
veahki ja fitne ain bearašrávvemis.
Rávven lea ámmátdáiddolaš ja
áššit giedahallojuvvojit mángga
vinkilis. Das lea stuorra veahkki
ahte oazžu rávvagiid olggobeale
olbmos, gean birra lea dakkár
dovdu ahte son lea luottehatti.

Tomí ja Eeva, Vantaa gávpot

Girku dahká riikkaidgaskasaš barggu lagabus ja guhkkin dás eret

Suoma evangelelaš-luteralaš girku doaibmá buot eananosiin. Ekumeniai sáhttá oahpásmuvvat luopmomátkkis olgosuopmelaččaid searvegottis ja vuolggahusbargui sáhttá oassálastit iežas ruovttosearvegottis. Searvegotti doaimmas leat mielde olbmot máilmmi sierra osiin.

Mángasii, geat orrot olgoriikkas olgosuopmelaččaid searvegottiid fállá dehálaš oktavuoda eará suomelaččaide. Dáid searvegottiid ja mearraolbmuidgirkuid bargit ja eaktodáhtolaš bargit veahkehit váttis diliin ja veahkehit gávdnat saji ođđa ássanriikka girkus.


Ustitvuodasearvegottiid doaibma ofelastá min oahpásmiit nuppi riikka kultuvrii, girkolaš eallimii ja searvegottiid lahtuide. Váldooassi suomelaš searvegottiid ustitvuodasearvegottiin leat Ingermanlánddas (Inkeris) ja Estteeatnamis, muhto dat gávdnojit maiddái Unġaris, Ovttastuvvan Stáhtain ja Duiskkas.

Girku vuodđodoaibma lea mitalit lpmila ráhkisvuoda ja Beasti birra. Dasa gullá maid lagamuččaid bálvleapmi juohke sajis máilmmis. Girku vuolggahusbarggu dahket čieža vuolggahussearvvi. Riikkaidgaskasaš diakoniai lea sierraluvvan Girku Olgoriikkaveahkki.

Suomelaččaid lohku, geat orrot Suoma olggobealde, lea 1,4 miljovna. Girku olgosuopmelašbarggu dahket 140 bargi 40 riikkas.



Girku lea suomelaččaid čoahkkanansadji olgoriikkas.



*Ovttas Kristagoddi juohke sajis.
Lullin, davvin, nuortan, oarjin,
Dutnje, Kristus, buvttos giitosa,
Áhččái máidnun agálačča.*

*Sálbma 328 suomelaš sálbmagirjiis
Sánit Laurentius Paulinus Gothus, sámegillii*

Girku olgoriikkaveahkki ovddida geafes olbmuid ekonomalaš dili Nepalis.

” Vuolggahusbargu ja riikkaid-
gaskasaš diakonia leat munnje
lunddolaččat ja árgga áššit.
Mánnán čállen reivviid iežan
vilbeliide ja oambeliide Ne-
palii, gos sii ásse vuolggahus-
barggu dahkki váhnemiiguin.
Daningo lean ieš maid leamaš
Nepalis hárjehallin, diedán
ahte vuolggahusbarggu bargit
leat dábálaš kristtalaš olmot
iežaset váttisvuodaiguin ja
iluiguin.

Lean šiehttan leat mielde girku
vuolggahusbarggus, daningo
dat lea mu mielas dehálaš.
Buot olbmuin lea vuoigat-
vuohta gullat, ahte Jesus
ráhkista min ja lpmil háliida
gaskavuoda minguin. Kristtalaš
olmmožin mis lea ovddasvástá-
dus bargat ráfi beales ja veah-
kehit sin, geat leat gillámin.
Máilmmis lea jáhkemeahtun
ollu gillámuš ja muhtumiin
dasa boahá stoaljasvuohta.
Muhto juos sáhttit veahkehit
gean nu seamma vuohkái go
veahkehivččiimet ustiba dahje
fuolkki Suomas, dat lea stuorra
ášši.

Mikaela, Helssega gávpogis

Sápmelaččaide servvolašvuoha lea dehálaš

Sápmelaččat leat Suoma álgoálbmot. Heajat, hávdádeapmi ja eará girkolaš doaimmahusat leat fidnemis sámegillii sámiid ruovttoguovllus Lappis. Sámegielalaš rihppaskuvlaleaira lágduvvo oktii jagis Ohcejogas.

Váldooassi sámiin ássat sámevuovllu olggobealde. Girku sámebarggu ulbmil lea ahte sámegielalaš bálvalusat livčče fidnemis oppa riikkas. Dál lea sámegielat bargiin vátnevuoha.

Girku lea jorgalahttán girjjálašvuoda sámegillii. Sámegielat katkkesmus ja Čábbámus juovlálavlagat leat ođđasamos jagis 2012 olggosbohtán girjjálašvuoha.


Sámiid lohku Suomas lea sullii 9 000 olbmo. Sámegillii barget vihtta báhpa. Davvi- ja anársámegielagat gullet eanaš evaŋgelalaš-luteralalaš girkui. Nuortalaččat leat eanaš ortodoksalaččat.

Sámiid lohku oppa Suomas lea s. 9000. Sámegillii barget vihtta báhpa. Davvi- ja anársámit gullet eanaš evaŋgelalaš-luteralalaš girkui. Nuortalaččat leat eanaš ortodoksalaččat.

”Mánnávuodas Njellemis ordnejuvvojedje dilálašvuodat, maid gohčodedje diakoniabargun. Gáffebeavdi láchčojuvvui čábbát ja juohkehaš godii suohkuid. Báikki ala bodii báhppa, guhte leai oahpahallan anársámegiela. Veasideimmet sálmmaid ja báhppa doalai smávva rohkobottu. Buohkat mojohalle. Dás leat báhcán liegga muittut.

Dál doalan anársámegiela kursaid, main mii leat hárhellan ee. sálmmaid. Mánagasat eai máhte daid anársámegillii. Anársámegillii dollojuvvon Ipmilbálvalusain servvošvuoha lea dehálaš daningo dat, geat hállet dán giela, ássat hui bieđgguid. Ohcalan čoahkkinbáikki.

Teija, Anára gielddas



Duoddara čohkas
alit čuovga,
guhkkín meahci sárggis.
Ádjaga botnis fiskes sáttu,
skierri vuollegis giedat
guoskkahallet čázi.
Du ámadadju
dán čuovggas, du juolggit čáziid alde.
Dušše asehis govččas –
ja oainnášin visot
ja šattašin čalmmeheapmen.
Mu osku
meahci sárgá dásis
balvva ja siedo gga suoivanis.

Niilo Rauhala, sámegillii

Du muitalus?

Muital iežat
muitalusa girku
birra čujuhusas
facebook.com/kirkkosuomessa